



## Barnaamijka farshaxanka fanniga ah

Barnaamijka farshaxanka fanniga ah waxuu ku habboonyahay qofkii raba inuu ka shaqeeyo masawiridda, muusikada, ciyaarta janiistikada iyo tiyaatarka.

Barnaamijka waxuu ku habboonyahay qofkii raba inuu ka shaqeeyo farshaxanka iyo hiddaha iyo dhaqanka.

Aqoontaada waxaad kaga shaqeyn kartaa iskoollada xanaanada carruurta ama goobaha lagu damaashaado xilli firaaqaha. waxeey kaloo aasaas u noqon kartaa haddii aad rabtid inaad waxbarashadaada farshaxanka sii wadatid.

### Waxaan ayaad barnaamijka ku baran doontaa

Waxaad fursad u heleysaa inaad tababar ku sameysid sameynta howlaha farshaxanka la xiriira iyo inaad baratid siyaabo kala ee hadalka loo wanaajiyo.

waxaad baraneysaa sida loo sameeyo iyo sida loo fahmo farshaxanka iyo hiddaha iyo dhaqanka. waxbarashada waxaad kaloo ku baraneysaa sida loo horumariyo khayaali aburidda, faduulinnimada iyo wax soo saaridda.

waxaad horumarin ku sameyneysaa inaad kaligaa wax sameyn kartid iyo inaad bandhigid ku sameyn kartid waxa aad sameysid.

waxbarashadu waxeey ku siineysaa aqoon iyo khibrado kala duwan oo ku saabsan waxyaabaha aad sameysid sida qalabyada iyo alaabta nuucyadooda kala duwan.

barnaamijka waxbarasho gudahiiisa waxaad tababar ku sameyneysaa la shaqeynta iyo la kulmida dadyow kala duwan xaalado kala duwan.

### Sidaan ayuu barnamijka u degsanyahay

**Maaddooyinka barnaamijyada dugsiyada sare ee dadka caqliga dhiman oo dhan eey kawada siman yihiin.**

Dugsiyada sare ee dadka caqliga dhiman ee wadanka oo dhan ku yaal waxeey leeyihiin maaddooyin la barto oo eey kawada simanyihiin.

Waxaana la yiraahdaa Maaddooyinka barnaamijyada dugsiyada sare ee dadka caqliga dhiman oo dhan eey kawada siman yihiin.

Maaddooyinkaas waa:

- Ingiriis
- Maaddada farshaxanka
- Taariikh
- Maaddada jimicsiga ciyaaraha
- xisaaab
- saynis

- diin
- cilmiga mujtamaca
- luqadda iswiidhishka ama luqadda iswiidhishka ee loogu tala galay ajaanibta

### **Maaddooyin kawada dhexeeya barnaamijka waxbarasho**

Barnaamijka waxuu leeyahay maaddooyin astaan u ah waxaana leesku yiraahdaa maaddooyinka kawada dhexeeya barnaamijka.

Ardayda dhigata barnaamijka farshaxanka fanniga ah oo dhan weey akhrisanayaan maaddooyinka:

- wada xiriirka farshaxanka
- hiddaha iyo dhaqanka
- soosaaridda warbaahinta
- luqadda iswiidhishka

### **Kusii qoto dheerinta barnaamijka**

Waxaad baraneysaa maaddooyin badan oo kor uqaadaya cilmiga barnaamijka aad dalbatay. Waxaa lagu magacaabaa qoto dheerin aad ku sameyneysid barnaamijka.

Maaddaama iskoollada eey hayaan maaddooyin kala duwan oo qoto dheerin ardayda ku sameyn karaan waxaad la xiriirtaa iskoollada aad dalbaneysid waxaadna weeydiisaa maaddooyinka qoto dheeridda looga sameeyo ee iskoollada.

Warbixin dheeraada oo arrinkaas ku saabsan waxaad ka heli kartaa bogga internetka ee [www.skolverket.se](http://www.skolverket.se), qeybta ka hadleysa iskoollada xanaanada carruurta iyo iskoollada.

### **Doorashada madaxa bannaan**

Waxaad kaloo sameyn kartaa doorasho madax bannaan. Waxaad iskaa u dooran kartaa maaddooyin aan ku jirin kuwa laga barto barnaamijka aad dalbatay, waana maaddooyin eey ardayda iskoollada oo dhan eey akhrisan karaan.

### **Qorshaha jiheynta maaddada**

Maaddo kasta oo dugsiga sare ee dadka caqliga dhiman laga dhigto waxeey leedahay qorshaha jiheynta maaddada oo eey ku qoron yihiin koorsooyinka maaddooyinka eey ka kooban yihiin iyo dhibcaha lagu heli karo.

Haddii aad ka bixi kartid waxuu mudiirka iskoollada go'aamin karaa inaad dhigatid maaddooyinka laga barto dugsiga sare ee caadiga ah. Taasina waxeey kor u qaadeysaa hiigsigaada waxbarasho.

### **Natiijo**

Natiijo waxaad heleysaa markaad dhameysatid maaddo ama koorso. Macalinka ayaa qiimeyn ku sameynaya cilmiga aad baratay asigoo saldhig uga dhigaayo natiijooyinka A, C iyo E.

## Apl

Cilmiga aad kasoo baratay barnaamijaka aad dhigatid waxaad baraktiik ahaan ugu sameyneysaa goob shaqo.

Waxaa la yiraahdaa waxbarasho lagu sameynayo goob shaqo, marka lasoo gaabiyana waa Apl.

## Shaqada dugsiga sare ee dadka caqliga dhiman

Si aad u muujisid waxa aad ku baratay barnaamijka waxbarasho ee aad dhigatid waxaad sameyneysaa Shaqada dugsiga sare ee dadka caqliga dhiman.

Maaddaama shaqada aad sameyneysid eey tusineyso waxa aad soo baratay oo dhan waxaad sameyneysaa dhamaadka waxbarashadaada.

## Qorsho waxbarasho oo gaar ahaaneed

Waxaad leedahay qorsho waxbarasho oo gaar kuu ah. Waxaana ku qoran maaddooyinka iyo koorsooyinka aad dhiganeysid muddada waxbarasho ee dugsiga sare.

Go'aankasta oo ku saabsan waxa aad dhiganeysid waxaa laga helayaa qorshaha waxbarasho ee gaarka kuu ah.

## Shahaaddada dugsiga sare ee dadka caqliga dhiman

Markaad afar sano kadib dhameysid dugsiga sare ee dadka caqliga dhiman waxaa lagu siinayaa shahaaddo muujineysa waxyaabaha aad soo baratay iyo khibradaha aad kororsatay waqtiga aad dhiganeysay dugsiga sare ee dadka caqliga dhiman.

Shahaaddada dugsiga sare ee dadka caqliga dhiman waxeey tusineysaa inta dhibco aad heshay muddada afarka sano aheyd ee aad waxbaraneysay.

Haddii aad ku baastay maaddooyinkaada oo marka leesku daro ku siinaya 2500 oo dhibcood waxaad dhameystir buuxo ku sameysay waxbarashadaada dugsiga sare ee dadka caqliga dhiman.

## Sidaan ayaad u shaqeyneysaa markaad dhigatid barnaamijka

waxaad tijaabin ku sameyneysaa taciirin farshaxan oo kala duwan

Waxaad muujineysaa afkaartaada adigoo tusaale ahaan adeegsanaya ciyaarta, muusikada iyo masawiridda.

Waxaad horumarin ku sameyneysaa fahmida qiimaha waxyaabaha la sameeyo adigoo dad kale kagala wada xaajoonaya waxyaabaha aad adiga sameysid iyo dad kale waxyaabaha eey sameeyeen.

Dad kale ayaad kala shaqeyneysaa arrimo ku saabsan waxyaabaha fanniga ah.

Waxaad horumarin ku sameyneysaa wadashaqeynta. Waxaad kaloo horumarin ku sameyneysaa inaad si madax bannaan u shaqeysid iyo inaad mas'uuliyad qaadi kartid

Waxaad horumarin ku sameyneysaa inaad sharrixi kartid sida aad ugu shaqeyneysid leyliska laguu diro.